

PAPANAN KARARUA



Patpatgek a gayyem, no kas pagarigan matay ka ita, ammom kadi no mapan ka idiy langit wenno idiy impierno? Saoen ti Biblia, ti sao ti Dios, nga mabalin mo nga maammoan.

Patgek a gayyem, saludsodek man kenka dagiti importante nga saludsod iti bayat ti panagbiag mo. Ti sungbat mo ket isu ti mangikeddeng no sadinno ti papanam no pumanaw ka ditoy daga - biag nga agnanayon idiy langit wenno idiy impierno. Ti saludsod ket: Naisalakan ka kadin?

Saan mi a saludsoden no miembro ka iti maysa a simbaan, wenno di ket no naisalakan kan? Saan mi a kayat a maammoan no nasingpet ka ken addaan ka iti nadalus a panagbiag iti immatang ti tao, no di ket no naisalakan ka kadin? Saan mi met a saludsoden no ti panangkitam ti bagim ket Kristianokan (ta adu ti mangibaga nga Kristiano da ngem saan da met nga ammo ti kinapudno ti pudno a Kristiano), no di ket no naisalakan ka kadin? Ti Biblia kunaen na a masapul a maisalakan ka kadin? Ti Biblia kunaen na a masapul a maisalakan tayo. (Aramid 4:12)

Awatem a managbasol ka. *“Kas kuna ti Nasantoan a Surat: Awan ti uray maysa a nalinteg a tao,”* (Roma 3:10) *“Awan ti uray maysa nga agaramid iti naimbag,”* (Roma 3:12) *“Nagbasol amin a tao ket adayoda iti panangisalakan ti Dios,”* (Roma 3:23)

Amirisem met nga adda maysa nga mangay-ayat kenka ket natay gapu kenka. Ni Jesu-Cristo ket binayadan na amin dagiti basbasol mo babaen ti pannakatayna idiy krus, tapno makapanka idiy langit. *“Ngem impakita ti Dios ti ayatna kadatayo: Idi managbasoltayo pay laeng, natay ni Cristo gapu kadatayo!”* (Roma 5:8) Idi natay ni Jesus idiy krus, ti Darana ti bayad ti basbasol mo. *“Gapu Kenkuana nawayawayaantayo - napakawan dagiti basoltayo,”* (Colosas 1:14)

Amirisem nga saan mo a mabalin nga uloen ti ipapan idiy langit. Binayadan aminen ni Jesus idi natay idiy krus. Sakbay a natay kinunana, *“Natungpalen”* (Juan 19:30b) Ni Jesus ket

kayalnaka nga ikkan iti balay idia langit. "...biag nga agnanayon ti isagut ti Dios gapu iti pannakipagmaymaysatayo ken Cristo Jesus nga Apotayo," (Roma 6:23)

Amiriseem nga no isalakannaka ni Jesus, dayta ket biag nga agnanayon idia langit. Ni Jesus ket saan a nagpatingga iti pannakatay. Isu ket nagungar ket sibibiag nga agnanayon idia langit tapno ikararagan na dagiti mamati ken agtalek Kenkuana. "Inyawatko kadakayo ti kangrunaan nga inawatko: a natay ni Cristo gapu kadagiti basoltayo, kas nailanad iti Nasantoan a Surat; a naitanem ket napagungar iti maikatlo nga aldaw, kas nailanad iti Nasantoan a Surat," (1 Corinto 15:3,4) "Isut gapuna nga awan pagkurangan ti panangisalakanna kadagiti umasideg iti Dios babaen Kenkuana agsipud ta agbiag nga agnanayon a mangibabaet kadakuada iti Dios," (Hebreo 7:25)

Babaen ti pammati, awatem ni Jesu-Cristo a kas mangisalakakan mo. Ni Jesus ket natay tapno maited ti regalo - biag nga agnanayon iti siasinnoman. Ngem kas regalo, daytoy ket awan ti balor na no saan mo nga awaten a para kenka. "Ngem kadagiti amin nga immawat ken namati Kenkuana, inikkanna ida ti kalinteg nga agbalin nga annak ti Dios," (Juan 1:12)

Ti pammati ket naimpapusuan a panagtalek ken iti isu amin mo. Kuna ti Biblia nga naisalakankayo babaen ti pammati nga awanan ti nayon. "Ta gapu ti parabur ti Dios, naisalakankayo babaen ti pammati. Saanyo a bukod nga aramid no di ket sagut ti Dios. Awan ti mabalinyo a pagtangsit ta saanyo nga aramid," (Efeso 2:8,9) Ti pammati a makaisalakan ket isu ti completo ken pudno a pammati ken Jesu-Cristo. "Mamatika ken ni Apo Jesus ket maisalakankanto," (Aramid 16:31a) Ti aniaman nga inayonmo iti pammati ket aramid. "Ta ibilangtayo a mapalinteg ti tao iti sangoanan ti Dios babaen ti pammati laeng, ket saan a babaen ti panangtungpalna iti Linteg," (Roma 3:28)

Patpatgek a kararua, no kayatmo nga isardeng ti aramid mo a bukod (ta awan mamaayna) ket mamatika a naimpapusuan ken Jesus,

ita met laeng ket maisalakanka. Adda dayta kenka. Agdumog ka ket agkararag ka ken Apo Dios iti bukod mo a kararag ket aknunem a maysa ka a managbasol nga mapan idiyay impierno, ken iti amin a pusom ket mamati ka ken Jesu-Cristo a Mangisalakanmo, ket baliwan na ti panagbiag mo. Kunaen ti Biblia, *“Ta no babaen ti bibigmo, ipaduyakyakmo ni Jesus nga isu ti Apo, ket patiem iti pusom a pinagungar ti Dios, maisalakankanto,”* (Roma 10:9) *“Ti siasinnoman nga umawag iti nagan ti Apo, maisalakanto,”* (Roma 10:13)

Gayyem, no saan mo pay nga inawat a maysaka a managbasol ken namati ken Jesu-Cristo, basaem ti kunaen ti Biblia, ti Sao ti Dios, *“Naukomen ti di mamati agsipud ta saan a namati iti kakaisuna nga Anak ti Dios,”* (Juan 3:18b)

No kasapulam ti tumulong kenka a mangawat a naan-anay ti Sao ti Dios maipanggep iti pannakaisalakan, kasta met a no inawatmon ni Jesu-Cristo a kas Mangisalakanmo ket kayatmo ti dumakkel iti naespirituan, agsurat ka kadakami.

Ipatulodmo ngarud daytoy nga tract tapno maamoanmi nga calpasan ti panangbasam iti daytoy, ket decidido can nga agtalec ken Jesu-Cristo a cas Mangisalakanmo.

Nagan _____

Pagtaengan _____



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 6210 (Ilocano)

All tracts free as the Lord provides. Not to be sold.